

Ժողովուրդ

127
(2607)

9 սեպտեմբերի ուրբաթ 2022
տպագրության ժԱ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com


100 դրամ

ՆԻԿՈՒ ՓԱՇԻՆՅԱՆԸ ԽԱՔԵԼ Է ՄԱՍ 87



2018-ի իշխանափոխության օրերին վարչապետ Նիկոլ Փաշինյանի ամենակարևոր խոստումներից մեկն այն էր, որ իշխանության գալուց հետո կադրային ջարդ չի լինելու: Սակայն իրականում ժամանակը ցույց տվեց, որ դրանք լույս խոսքեր էին, եւ Փաշինյանի իշխանությունը սկսեց ազատվել նախկինների կադրերից բավական արագ՝ փոխարեն նշանակելով առավել անփորձ մարդկանց: Օրինակ՝ Երևանի նախկին քաղաքապետ Հայկ Մարությանը վարչության պետերի էր աշխատանքից ազատում: Մարությանը քաղաքապետարանի աշխատակազմը կամ համալրում էր իր դերասան ընկերներով ու նեղ շրջապատի մարդկանցով, կամ նախապատվությունը տալիս «Իմ քայլը» դաշինքի անդամներին: «Հանրապետական անասնաբուժասանիտարական եւ բուսասանիտարական լաբորատոր ծառայությունների կենտրոն» ՊՈԱԿ-ի Արարատի, Արագածոտնի, Կոտայքի եւ Շիրակի մարզերում 14 մարդու անհիմն ազատել էին աշխատանքից: «Յեղափոխությունից» անմիջապես հետո իշխանությունը սկսեց գտնումներ իրականացնել նաեւ ՊԵԿ-ում: Նիկոլ Փաշինյանի որոշմամբ՝ աշխատանքից ազատվել էին Հայաստանի Հանրապետության կառավարությանն առընթեր պետական եկամուտների կոմիտեի նախագահի տեղակալ Վահրամյանը, ՊԵԿ նախագահի առաջին տեղակալ Սամվել Ավետիսյանը, ՊԵԿ աշխատակազմի ղեկավար Արտակ Սահակյանը, ՊԵԿ տեղակալ Արմեն Սաքապետոյանը: Սրանք ընդամենը փոքրիկ դրվագներ են այն մասին, թե ինչպես են նոր իշխանությունները պահպանում իրենց խոստումները կադրային ջարդ չիրականացնելու համատեքստում: Ստացվում է՝ նա հերթական անգամ խաբել է ՀՀ հպարտ եւ արժանապատիվ քաղաքացիներին:

Դեռես նախորդ տարվա փետրվարի 28-ին Բաղրամյան պողոտայում մեծ աղմուկով սպիտակ վրաններ տեղադրվեցին: Տեղադրողը գործարար, «Դվին» հյուրանոցային համալիրի սեփականատեր, Ապարանի մերձակայքում ապակեպատ մատուռ կառուցած Արտակ Թովմասյանն էր, որ վրանային իր ակցիայով ասես նոր շունչ էր ուզում հաղորդել «Հայրենիքի փրկության» շարժմանը: Մեծ շուքով տեղադրված ճեփ-ճերմակ վրանները մի քանի օր անց, սակայն, դատարկ էին, ավելին՝ ուժգին քամուց փլվել, ընկել էին: Իսկ դա այն բանի ապացույցն էր, որ դրանցում ոչ հերթապահություն իրականացնող կուսակցական կար, ոչ էլ՝ դրանց ճակատագրով հետաքրքրվող գեթ մեկ անձ: Ինչո՞ւ է այժմ զբաղված Հայաստանը փրկելու հայտ ներկայացրած Արտակ Թովմասյանը, որտե՞ղ է նա ու ինչո՞ւ չկա քաղաքական ասպարեզում: Հարցերը նրա մամուլի քարտուղարին ուղղեցինք, ինչին ի պատասխան՝ վերջինս ասաց, որ մի քանի օրից կարող են պատասխանել, այժմ զբաղված են: «Դվինի» սեփականատերն այժմ էլ, պարզվեց, մշակութային ոլորտում է ուժերը փորձում: Համեմատելով դեպի այդպես ենթադրել կարելի է, որովհետեւ «Դվինի օդային թատրոն» է պատրաստվում բացել: Իսկ թե ինչքանով այն թատրոնի հետ կապ ունի, այդ մասով մեզ մանրամասներ չհայտնեցին: Նկատենք, որ 2022-ի մայիսից մեկնարկված «Դիմադրություն» շարժմանը Թովմասյանը չէր միացել, վրաններ չէր տեղադրել, Փաշինյանին՝ իրաժարականի 44-օրյա ժամկետ չէր տվել: Թե ինչու էր այդքան կարճ նրա ընդդիմադիր գործունեությունը, կամ երբ նորից ընդդիմադիրի դիրքերից հանդես կգա, ենթադրել կարելի է:



Ղատավորները դուրս են եկել ՀՀ Կոռուպցիայի կանխարգելման հանձնաժողովի դեմ, քանի որ, ըստ նրանց, հանձնաժողովը սեւ գիծ է քաշում իրենց մասնագիտական առաջնահղացման եւ կարիերայի վրա: «Ժողովուրդ» օրաթերթը տեղեկացավ, որ Բարձրագույն դատական խորհուրդը 2022թ. օգոստոսի 5-ին որոշում էր կայացրել 10 ղատավորի հանել առաջնահղացման եւ հակակոռուպցիոն մասնագիտացման թեկնածուների ցանկից՝ պատճառաբանելով, որ Հանրապետության նախագահը հուլիսի 22-ին եւ օգոստոսի 1-ին գրություններով առարկություններ է ներկայացրել: Իսկ ովքեր էին գրվել Հակակոռուպցիոն դատարանում աշխատելու հնարավորությունից: Նրանք Կարեն Գրիգորյանը եւ Ռիմա Առաքելյանն էին, որոնց անունները հանվել են հակակոռուպցիոն մասնագիտացման բաժնի կոռուպցիոն հանցագործությունների քննության ենթաբաժնից: Ինչպես նաեւ՝ դատավոր Նաիրա Ավետիսյանը եւ Սյուզաննա Վարդանյանը, որոնց անուններն էլ հանվել են հակակոռուպցիոն քաղաքացիական գործերի քննության ենթաբաժնից: Իսկ ինչո՞ւ էր նախագահը դեմ եղել, որ այս դատավորները կարողանային իրենց ցանկալի դատարանում դատավոր նշանակվել կամ աշխատել: Բանն այն է, որ Հակակոռուպցիոն դատարանում աշխատելու համար կոռուպցիայի կանխարգելման հանձնաժողովը դատավորների բարեկարգության մասով կարծիք է հայտնում: Վերոնշյալ դատավորների մասով հանձնաժողովը բացասական կարծիք է հայտնել որոշ դեպքերում, ըստ ցուցակում ներկայացվածների, ոչ պորֆեսիոնալիզմի դրսեւորման արդյունքում, եւ այդ կարծիքի հիման վրա նախագահը մերժել էր բավարարել այս դատավորների Հակակոռուպցիոն դատարանում դատավոր նշանակելու դիմումները: Ու այժմ դատավորները ահազանգում են, որ չեն լռելու եւ դատի են տալու հանձնաժողովին, քանի որ այն օբյեկտիվորեն չի քննել, ավելին՝ իրենց կարիերայի վրա սեւ գիծ է քաշել: ⇨ էջ 4



Չայած Հայաստանում գործազուրկների թիվը գերազանցում է 60 հազարը, սակայն մեր երկրում արդեն մի քանի տարի է, ինչ էժան աշխատուժ են համարվում հնդիկները: Նախորդ տարիներին հնդիկները հայկական գյուղերում ներգրավվում էին հիմնականում ջերմոցային աշխատանքներում: Իսկ ահա վերջին շրջանում նրանք աշխատում են նաեւ շինարարության ոլորտում: Օրինակ՝ շինաշխատանքներից հայերի մեծ մասը իրաժարվում է, իսկ հնդիկներն այդ աշխատանքն անում են 4-5 հազար դրամով: Իրենք իրենք երկրում սովոր են նման աշխատանքների: Իսկ մեր հայրենակիցներն ուղղակի չեն նախընտրում նման աշխատանքներ կատարել: Բացի այս՝ հնդիկները փորձում են Հայաստանը անցողիկ պետություն դիտարկել, որ հետո Հայաստանով կարողանան գնալ այլ երկրներ, վիզաներ ստանալ, բիզնես հիմնադրել, ինչ-որ ծառայություններում աշխատել: Օրինակ՝ նրանց մեծ մասը Հայաստանով նախընտրում է գնալ Արաբական Միացյալ Էմիրություններ: Այսինքն՝ նրանք Հայաստանում այդքան էլ չեն կուտակվում: «Ժողովուրդ» օրաթերթը ՀՀ վիճակագրական կոմիտեից տեղեկացավ, որ այս տարվա առաջին 7 ամիսներին Հայաստան ժամանել է Հնդկաստանի 9898 քաղաքացի, դուրս եկել՝ 11 հազար 262-ը: Նկատենք, որ մեր հայրենակիցները գնում են այլ երկրներ, հատկապես ՌԴ, ու հենց շինաշխատանքներ են կատարում, իսկ մեր երկրում այդ հարցում ծուլացել են: Առաջարկվող գումարի դիմաց չեն ցանկանում աշխատել, բայց եւ դժգոհում են, թե աշխատանք չկա:



ԽՏՐԱԿԱՆ ՎԵՐԱԲԵՐՄՈՒՆՔ

ՊՆ-Ի ԵՐՋԱՆԱՌԱԾ ՆԱԽԱԳԻԾԸ ՄԻՊ-ԻՆ ՄՏԱՐՈՒԳԵԼ Է

«Ժողովուրդ» օրաթերթը ՀՀ մարդու իրավունքների դաշտում Քրիստինե Գրիգորյանի հետ գրուցել է դաշտում գտնվող հայաբնակավայրերի վիճակը և աղմուկը 24 մլն դրամի նախագծի շուրջ:



«Տիկին Գրիգորյան, պետությունը, ի դեմս պաշտպանության նախարարության, շրջանառել է օրենքի մի նախագիծ, որով առաջարկվում է 24 միլիոն դրամ վճարել պետությունը և ազատվել պարտադիր զինվորական ծառայությունից: Ի՞նչ գնահատական եք տալիս օրենքի այս նախագծին:

«Շնորհակալ եմ հարցի համար: Նախագիծը մեզ մոտ եւս անցել է փորձաքննություն, եւ մենք արդեն մեր մտահոգություններով մեր եզրակացությունը ուղարկել ենք պաշտպանության նախարարություն, ինչպես նաեւ պայմանավորվածություն ունենք, որ պետք է առանձին քննարկում լինի այս նախագծի վերաբերյալ: Մեր ընդհանուր մտահոգությունները եւ բաժանում եմ 3 մեծ խմբերի՝ 1-ին՝ իրավական, 2-րդ՝ գաղափարախոսական եւ 3-րդ՝ գործառնական: Մեր մտահոգությունն ենք արտահայտել, որ եղած առաջարկվող ձեւակերպումը ու նաեւ օրենքում դրված տրամաբանությունը, պարտադիր ժամկետային զինծառայությունից վաղ ազատման այն հիմքերը, որ հիմա դրված են օրենսդրության մեջ ու նաեւ այդ առաջարկվող մոտեցումը մեզ համար խտրական կարգավորման տպավորություն եւ հիմքեր են ստեղծում: Մենք մեր Սահմանադրությամբ ունենք խտրականության արգելքի վերաբերյալ օրենքի 29-րդ հոդված, որով սահմանվում է, որ խտրականությունը, հիմնված ի թիվս այլի, անձի գույքային դրության վրա, արգելվում է: Հիմա վերլուծել ենք սահմանադրական դատարանի եւ Եվրոպական մարդու իրավունքների դատարանի կողմից այս տեսակ հարցերի խտրականության որակավորումը: Խտրականություն կարող է չհամարվել այն դեպքում, երբ այդ տարբերակումը հետապնդում է իրավաչափ նպատակ: Նախագծի հիմնավորումներում ինչ որ տեսել ենք, չի տվել մեզ այդ համոզմունքը, որ հետապնդում է այդ իրավաչափ նպատակը, որը կարող է տարբերակված քաղաքականության հիմք դառնալ:

«Իրավաչափ նպատակ ասելով ի՞նչ նկատի ունեցնում եք:

«Եթե պետության քաղաքականությունը միտված է, օրինակ, նույն ընտանիքից եղ-

բայրների ծառայությունը հեշտացնելու համար, այդ անձանց համար նախատեսված է, որ համաժամանակյա ծառայության ժամանակ կարող են նույն գործառնական ծառայել, այս նպատակը իրավաչափ է: Այս օրինակի վրա կարող ենք հստակ պնդել, որ խտրական չէ, այլ որեւէ անձանց, եղբայրների, որոնք ծառայում են տարբեր ժամանակահատվածում, կամ եղբայրներ ունեցող զինծառայողների մասով խտրական չէ: Իրականում կառավարության ծրագրում, որը որ այս պահի դրությամբ գործող կառավարությունը հաստատել է ազգային ժողովի կողմից, այս ծրագրում բացի այն, որ նշված է, որ պաշտպանության ոլորտում պետությունը ձգտում է ունենալ արդիֆեսիոնալ բանակ, պետք է աստիճանաբար անցում կատարի արդիֆեսիոնալ զինծառայության: Ամենակարեւոր ուղղություններից մեկը նաեւ ֆիզքում է, որ այդ անցման նպատակը ինչպես զինծառայության նյութական դրություն է, այնպես էլ բարոյահոգեբանական: Գաղափարախոսական առումով, հատկապես պատերազմից հետո, նոր եւ ավելի ամուր բանակ կառուցելու եւ զարգացնելու այս տրամաբանության հիմքում կառավարությունը դրել է հենց հասարակություն-բանակ միավորման չտարբերակման, այսինքն՝ զինծառայողի կարգավիճակի, հեղինակության

բարձրացումը շարունակաբար ապահովելու, ինչպես նաեւ երաշխիքներ ընդլայնելու միջոցով: Զինծառայողի համագրեման հեղինակությունը այստեղ ամենակարեւոր նպատակն է: Արդյո՞ք այս փոփոխությունը օգնելու է՝ այս գաղափարախոսությունը առաջ տանելուն, հասարակությանը բանակի շուրջ կոնսոլիդացնելուն եւ այլն: Սա է, որ մեզ համար մտահոգիչ է: Եւ 3-րդ՝ մարդու իրավունքների պաշտպանի հաստատությունը զինված ուժերում իրականացնում է քաղաքացիական իրավունքների հսկողություն: Մեր մշտադիտարկման այցերի, դիմում-բողոքների քննարկման շրջանակներում մենք գիտենք խնդիրներ: Խնդիրների միակ լուծումը կարգապահությունն է պատշաճ իրականացվող կարգապահությունը: Սրա վերաբերյալ հիմնարկությունը տարբեր ժամանակներում ու հիմա էլ շարունակաբար տարբեր առաջարկություններ է իրականացնում: Հիմա՝ այս փոփոխությունը, արդյո՞ք նման տարբերակումը, թեկուզ այդ նույն կարճ ժամկետում 4 ամսվա ընթացքում, արդյո՞ք օգնում է միջին սպայական, հրամանատարական, ավագ հրամանատարական կազմին եւ, ընդհանրապես, ամրապնդմանը օգնում է եւ չի՞ դառնա լրացուցիչ խտրական վերաբերմունքի պատճառ:

Զրուցեց ՍԵՎԱԿ ՎԱՐՈՂՈՍՅԱՆԸ

ԱՂՏՈՑ ՏԱՐԱԾՔ



Սա Երեւանյան լճի հարակից տարածքն է՝ աղտոտված: Բնապահպաններն ու անհատ քաղաքացիները չեն դադարում ահազանգել Երեւանյան լճի աղտոտված լինելու մասին:

Կիիշեք՝ Երեւանի քաղաքապետարանն ամիսներ առաջ Երեւանյան լիճը մաքրեց շուրջ 50 տարվա աղբից: Բայց ինչպես տեսնում եք՝ լճի հարակից տարածքը աղտոտված է, ու որեւէ կառույցի կողմից ոչինչ չի արվում մաքրելու ուղղությամբ:

Սա, համաձայնեք, ոչ միայն փնթի քաղաքացու պատկերն է, այլեւ քաղաքապետարանի:

ԽԱՂԱԳՈՒԹՅԱՆ ՊԱՅՄԱՆԱԳԻՐ

«Իրավիճակը մեր տարածաշրջանում խաղաղության օրակարգով է զարգանում», - այս մասին Հայաստանի վարչապետ Նիկոլ Փաշինյանի հետ բրյուսելյան հանդիպումից հետո հայտարարել է Ադրբեջանի նախագահ Իլհամ Ալիևը:

Խաղաղության պայմանագրի մասին, Ադրբեջանի նախագահի փոխանցմամբ, ադրբեջանական կողմը խոսում է 44-օրյա պատերազմից անմիջապես հետո: Այդ օրակարգով, ըստ Ալիևի, հայկական կողմն ունի համաձայնելու 2 արժեք: Այս պատերազմից երկու տարի անց միայն:

Թե ինչ բովանդակություն կունենան ու ինչ ժամկետներում տեղի կունենան բանակցությունները, Ալիևի կարծիքով, ընթացքը ցույց կտա:

«Ես հավատում եմ, որ մի քանի ամսվա ընթացքում մենք կարող ենք խաղաղության պայմանագրի պատրաստել եւ ստորագրել: Եթե հայկական կողմը նույն կամքը դրսևորի, ապա կարծում եմ, որ դա առաջիկայում իրականություն կդառնա», - ասում է Ադրբեջանի նախագահը: Պաշտոնական Բաքվի փոխանցմամբ՝ իրենք առաջ են քաշել հինգ հիմնարար սկզբունքներ, որոնց վրա պետք է հիմնված լինի խաղաղության պայմանագիրը: Ի դեպ, վստահեցնում է Ալիևը, Հայաստանն ընդունել է դրանք:

«Հինգ սկզբունքները ներառում են երկու երկրների տարածքային ամբողջականության ճանաչումը, տարածքային պահանջներից փոխադարձորեն հրաժարվելը, ուժի կամ ուժի սպառնալիքի չկիրառումը, սահմանների սահմանազատումը եւ հաղորդակցությունների սպաշրջափակումը», - նշել է Իլհամ Ալիևը:

Նա նաեւ փոխանցել է, որ Ադրբեջանի կողմից առաջարկված վերոնշյալ սկզբունքներն ընդունելու կառավարությունն ընդունել է, ու դա օրերս Բրյուսելում տեղի ունեցած հանդիպման ժամանակ նաեւ Փաշինյանը վերահաստատել է:

ՓԼԱՏԱԿՆԵՐԻ ՀԵՏՔԵՐ

ՊԱՅԹՅՈՒՆԻՑ ԱՎԵԼԻ ԲԱՆ 3 ԸՆԲԱԹ ԱՆՑ

«Մուրադու» առեւտրի կենտրոնում տեղի ունեցած խոցոք դրամայինից անցել է ավելի քան 3 քառքաթ, սակայն սարածին այդպես էլ չի մաքրվում փրակների հետքերից: Ավելին՝ չի աղանոցաժվում դրամայինից փրակները, ինչպես նաեւ արտադրվում է միակողմանի փակ մնալ «Մուրադու»-ին հարակից փողոցը: Տարածքը մաքրելու գործը մի գերատեսչությունը մյուսի վրա է գցում:



տեղ ավարտված են»: Երեւանի քաղաքապետարանից եւս որեւէ հուսադրող պատասխան չստացանք: Միայն նշեցին, որ քաղաքապետարանը որեւէ լծակ չունի մասնավոր տարածքում գործառնային իրականացնելու կամ միջամտելու: Փաստորեն, ըստ Երեւանի քաղաքապետարանի՝ դա հանրային տարածք չէ: Իսկ ՀՀ քննչական կոմիտեից ArmLur.am-ին փոխանցեցին, որ այդ տարածքում դեռ քննչական գործողությունները շարունակվում են: Բայց նկատենք, որ մեր այցելության պահին այնտեղ ոչ ոք ոչինչ չէր անում, որեւէ գործողություն չէր իրականացվում: Իսկ հարակից տարածքում բնակվող քաղաքացիները դժգոհում են ոչ միայն ճանապարհի միակողմանի փակ մնալուց, այլեւ փոշուց ու աղբից: Ի դեպ, փլատակի վերածված տարածքի դիմացի առեւտրականները դժգոհում են՝ նշելով, որ փոշուց բացի՝ մեծ քանակի ճանճեր են հայտնվել:

ԻՐԱՎԻՃԱԿ

ԽՈՐՀՐԴԱԺՈՂՈՎ

«2020Թ. ՊԱՏԵՐԱԶՄԸ ԵՎ ՄԱՐԴՈՒ ԻՐԱՎՈՒՆՔՆԵՐԸ»

ԳԱՆԱԿԻ 7 ՀԱՐՎԱԾ

ArmLur.am-ին հայտնի դարձավ, որ 2022 թվականի մայիսի 22-ին՝ ժամը 22:25-ի սահմաններում, Գյումրու շտապօգնության կայանից ոստիկանության Մուշի բաժնի սահագանգ է ստացվել, որ Անի թաղամասի եկեղեցու մոտ դանակահարություն է տեղի ունեցել: Դեպքի վայր մեկնած օպերատիվ խումբը Պարույր Սեւակ փողոցի 8ա շենքի բնակարաններից մեկում հայտնաբերել է կնոջ դի՝ որովայնի եւ ծնոտի շրջանում կտրած-ծակած վնասվածքներով: Պարզել են, որ սպանվածը Նշված հասցեի բնակիչ 43-ամյա Սիրանուշ Մանուկյանն է: Ողբերգական սպանության գործը դատարանում է: Անդրանիկ Երանոսյանին մեղադրանք է առաջադրվել այն բանի համար, որ նա 22.05.2022թ ժամը 22:00-ին Գյումրու Պ. Սեւակ փող 8ա շենքի 17բն խանդի եւ վրեժի շարժառիթով սպանել, ապօրինաբար մեկ ուրշին՝ նախկին կնոջ՝ Սիրանուշ Մանուկյանին, զրկել է կյանքից: Ա. Երանոսյանը սույն թվականի ապրիլի 8-ին ամուսնական դավաճանության պատճառով ամուսնալուծվել էր Ս. Մանուկյանից եւ երեխաների հետ առանձին բնակվել Գյումրու Յնոցապանի 1 շարքի 1-ին տանը: 22.05.2022թ ալկոհոլի ազդեցության տակ Ս. Մանուկյանին ապօրինաբար կյանքից զրկելու դիտավորությամբ իր բնակության վայրից վերցրել է դանակը եւ ժամը 22:00-ի սահմաններում գնացել է Ա. Սիմոնյանի փաստացի բնակարանը, որտեղ Ս. Մանուկյանին սպանելու դիտավորությամբ դանակով բազմաթիվ կյանքի անհամատեղելի ծանր վնաս պատճառող վնասվածքներ հասցրել վերջինիս, ինչի հետեւանքով Ս. Մանուկյանը մահացել է:

ՀԻՄՆԱՆՆԳԻՐՆԵՐ

«Բոլորսը մեզ հուզող ամենակարեւոր հարցերի համար մեզ չի հաջողվել ընդհանուր դիրքորոշումներ արձանագրել: Խոսքը ԼՂ հիմնախնդրի մասին է: Մյուս կողմից՝ երկուստեք՝ ԶԶ-ն եւ Ադրբեջանը, արձանագրում են խաղաղության հասնելու իրենց ցանկությունը»,-վաղիվոստովում հայ համայնքի ներկայացուցիչների հետ հանդիպմանը հայտարարել է ԶԶ վարչապետ Նիկոլ Փաշինյանը՝ անդրադառնալով վերջերս Բոլորսելի հովանու ներքո Ադրբեջանի նախագահի հետ բանակցություններին: «Համոզվում եմ, որ բոլորն էլ խաղաղություն են ուզում, բայց ամեն մեկն իր ընկալումն ունի խաղաղության պայմանների վերաբերյալ: Այստեղից են ծագում կոնֆլիկտները: Ադրբեջանի տեսակետն այն է, որ ԼՂ խնդիրը լուծված է, եւ այլեւս չկա քննարկելու բան: Միջազգային հանրության եւ մեր դիրքորոշումը չի համընկնում Ադրբեջանի հետ: Մասնավորապես ՌԴ-ն չի կիսում այդ ցանկությունը: ՌԴ-ն արձանագրել է, որ կա հիմնախնդիր, այլապես ՌԴ խաղաղապահ ուժերը չէին գտնվի ԼՂ-ում»,-շեշտեց Նիկոլ Փաշինյանը: Ինչ վերաբերում է տնտեսական ճանապարհների ապաշրջափակմանը, ապա Նիկոլ Փաշինյանը նշեց՝ կան վախեր եւ մտավախություններ, բայց կոմունիկացիաների բացումը ԶԶ-ի համար միանշանակ ձեռնտու է: «Վերջերս հետազոտություն ենք արել: Միջինում ԶԶ-ում սննդամթերքն ավելի թանկ է, քան շատ երկրներում: Պատճառը տրանսպորտային խնդիրն է, որն այսօր ավելի սրված է: Տրանսպորտային կոմունիկացիաների բացումը մեզ ձեռնտու է, շահագրգռված ենք»:

Եվրոպական խորհրդարանի զարգացման ֆիլիալի Վան Գալենի նախագահությունում եւ ՀՅԳ Հայ դատի եվրոպայի գրասենյակի համակարգչավորման եվրոպական խորհրդարանում սեղանների 8-ին անցկացվել է «2020թ. զարգացման եւ մարդու իրավունքներն Արցախում» խորհրդաժողով:

Խորհրդաժողովի հիմնական զեկուցողներն են եղել Արցախի մարդու իրավունքների պաշտպան Գեղամ Ստեփանյանը եւ Մարդու իրավունքների Եվրոպական Դատարանում հայ ռազմագերիների ներկայացուցիչ Սիրանուշ Սահակյանը: Միջոցառմանը ներկա են գտնվել Եվրոպական խորհրդարանի բազմաթիվ պատգամավորներ՝ տարբեր քաղաքական խմբերից, բազմաթիվ քաղաքական գործիչներ, դիվանագետներ եւ հասարակական կազմակերպությունների ներկայացուցիչներ: Եվրոպական խորհրդարանի պատգամավոր Փիլիպ Կան Դալենը վերահաստատել է իր պատրաստակամությունը՝ օժանդակել Արցախին՝ նշելով. «Ես կանգնած եմ հայ ժողովրդի կողքին: Արցախի բնիկ հայ ժողովրդի կյանքը եւ նրանց մշակութային ժառանգությունը սպառնալիքի տակ են: Մենք ոչ թե պետք է ընդունենք որեւէ «ստատուս-քվո», այլ ապահովենք Լեռնային Ղարաբաղի հայ բնակչության համար իր պատմական հորում ապրելու երաշխիքներ»:



ՕՐՎԱ ԽՃԱՆԿԱՐ

ԽՈՐՀՐԴԻ ՆԻՍՏ ԱՊՐ-ՈՒՄ

Երեկ՝ սեպտեմբերի 8-ին, Ղրղզստանի Չոլպոն Աթա (Իսիկ կուլ) քաղաքում կայացավ ԱՊՅ մասնակից պետությունների ներքին գործերի նախարարների խորհրդի հերթական նիստը, որին մասնակցում էր Հայաստանի Հանրապետության ոստիկանության պետ, ոստիկանության գեներալ-մայոր Վահե Ղազարյանի գլխավորած պատվիրակությունը: ԶԶ ոստիկանության պետ Վահե Ղազարյանին եւ ԱՊՅ մասնակից պետությունների ներքին գործերի նախարարներին ընդունել է Ղրղզստանի Հանրապետության Նախագահ Սադիր ժապարովը: ԱՊՅ մասնակից պետությունների ներքին գործերի նախարարների խորհրդի նիստին Հայաստանի Հանրապետության ոստիկանության պետ, ոստիկանության գեներալ-մայոր Վահե Ղազարյանը մասնակցում էր որպես ԱՊՅ մասնակից պետությունների ՆԳՆ խորհրդի Նախագահ:



ԿՄԵԿՆԵՆ ԹՈՒՐՔՄԵՆՍՏԱՆ

Վարչապետ Նիկոլ Փաշինյանի որոշմամբ՝ սեպտեմբերի 12-ից 14-ը 9 հոգանոց պատվիրակություն կմեկնի Թուրքմենստան: Պատվիրակությունն այնտեղ կմասնակցի հայ-թուրքմենական տնտեսական համագործակցության միջկառավարական հանձնաժողովի նիստին: Պատվիրակությունը կգլխավորի ՏԿԵ նախարար Գնել Սանոսյանը, պատվիրակության կազմում են նաեւ քաղաքացիության կոմիտեի նախագար Արմեն Ղուլարյանը, ԱԳ փոխնախարար Մ. Սաֆարյանը, ՏԿԵ փոխնախարար Զ. Վարդանյանը:

ԶԳՈՒՇԱՅՈՒՄ ԱՄՆ ԲԱՂԱՔԱՅԻՆԵՐԻՆ

Ամերիկայի Միացյալ Նահանգները Հայաստանում գտնվող իր քաղաքացիներին զգուշանալու կոչ է արել: «Ռուսական ավիափոխադրողները շարունակում են գործել Հայաստանում: ԱՄՆ դեսպանատունը տեղեկացնում է ԱՄՆ քաղաքացիներին, որ Դաշնային ավիացիոն վարչությունը (FAA) իջեցրել է Ռուսաստանի օդային անվտանգության վարկանիշը՝ հաշվի առնելով այն հանգամանքը, որ Ռուսաստանի քաղաքացիական ավիացիոն մարմինը չի համապատասխանում Քաղաքացիական ավիացիայի միջազգային կազմակերպության (ICAO) անվտանգության չափանիշներին ռուսական ավիափոխադրողների գործունեության վերահսկման համար», - նշվում է դեսպանության տարածած հաղորդագրությունում:

Նշվում է նաեւ, որ FAA օդային անվտանգության այս վարկանիշը չի տարածվում հայկական ավիափոխադրողների, Հայաստանի պատկանող կամ շահագործվող ինքնաթիռների վրա: «Հաշվի առնելով սա՝ դիվանագիտական առաքելությունն ԱՄՆ քաղաքացիներին հորդորում է դիտարկել ճանապարհորդության տարբերակներ, որոնք դուրս են ռուսական ավիափոխադրողների տիրույթից, հետեւել faa.gov կայքի թարմացումներին», - նշվում է հաղորդագրությունում:

ՍԵՎ ԳԻԾ

ԸՆԴՈՒՄ ԿՈՌՈՒՊՑԻԱՅԻ ՇԱՆՁՆԱԺՈՂՈՎԻ

Գասավորները դուրս են եկել Կոռուպցիայի կանխարգելման հանձնաժողովի դեմ, քանի որ, ըստ նրանց, հանձնաժողովը սեւ գիծ է ֆաբել իրենց մասնագիտական առաջխաղացման և կարիերայի վրա: Ինչ է կասարվում: Քանն այն է, որ Քարճարգույն դասական խորհուրդը 2022թ. օգոստոսի 5-ին որոշում էր կայացրել 10 դասավորի հանել առաջխաղացման և հակակոռուպցիոն մասնագիտացման թեկնածուների ցանկից՝ դասճառարաններով, որ Հանրադատության նախագահը հուլիսի 22-ին և օգոստոսի 1-ին գրություններով առարկություններ է ներկայացրել: Իսկ ովքեր էին գրկվել Հակակոռուպցիոն դասարանում աշխատելու հնարավորությունից: Վերջիններս Կարեն Գրիգորյանը և Ռիմա Առաքելյանն էին, որոնց անունները հանվել են հակակոռուպցիոն մասնագիտացման բաժնի կոռուպցիոն հանցագործությունների ֆնուբյան ենթաբաժնից, ինչդեռ նաեւ դասավոր Նաիրա Ավետիսյանը և Սյուզաննա Վարդանյանը, որոնց անուններն էլ հանվել են հակակոռուպցիոն ֆաղաֆաղիական գործերի ֆնուբյան ենթաբաժնից:



գանգի և դժգոհության մասով «Ժողովուրդ» օրաթերթը գրուցեց Կոռուպցիայի կանխարգելման հանձնաժողովի նախագահ Յայկուհի Յարությունյանի հետ, որը նշեց. «Ես վստահ եմ, որ միակ փաստարկը կամ միակ պատճառը եզրակացությունը չէ, դա մեկ, և հետո՝ եզրակացությունը հիմնված է փաստերի վրա, իսկ թե ինչքանով է այդ փաստերի առկայությունը համատեղելի դատավորի պաշտոնին հավակնող անձի վարքագծի հետ, կարծում եմ ոչ միայն հանձնաժողովը, ոչ միայն նախագահը, այլ նաեւ պետական մարմինները, այդ թվում և քաղաքացիները իրավունք ունեն այդ հարցը բարձրացնելու: Ինչպես իրենք են նշում, թե դա սեւ գիծ է, չեն կարծում, որ դա վերջնական որոշում է, եթե անձը փոխի իր վարքագիծը, կամ այն խնդիրները, որոնք արձանագրվել են, վերանան, չեն կարծում, որ անձը դատապարտված է լինելու այդ ճակատագրին, որը փորձում են ներկայացնել»:

Անդրադառնալով այն կարծիքին, որ հանձնաժողովում միգուցե օբյեկտի չի ուսումնասիրել դատավորների բարեվարքությունը և բացասական գնահատական է տալիս, Յայկուհի Յարությունյանը հայտնեց. «Կասկածի տակ դնելու փաստարկ այս պահին չունեն և վաղեմի՝ ասեմ, որ արդեն 400 գերազանցող եզրակացություն է տրվել հանձնաժողովի կողմից, ինչպես դատավորների, այնպես էլ դատախազների, քննիչների մասով և որեւէ այլ սուբյեկտներ, բայց այդ դատավորներից որեւէ մեկը ոչ օբյեկտիվության խնդիր հանձնաժողովի եզրակացության մասով չի բարձրացրել այսքան ժամանակ»:

ՔՍՈՐ ՍՍՆՈՒԿՅԱՆ

ԼՈՒՐԵՐ

ՄՈՒԲԱՑԱԾ ԳԻ

Երեկ՝ սեպտեմբերի 8-ին, ողբերգական դեպք է տեղի ունեցել Լոռու մարզում: Ժամը 08:25-ի սահմաններում Արտակարգ իրավիճակների նախարարության Փրկարար ծառայության 911 ճգնաժամային կառավարման կենտրոն ահազանգ է ստացվել, որ Աբրահամյանի տներից մեկում հրդեհ է բռնկվել, և կան կասկածներ, որ ներսում քաղաքացի կա:

Հրշեջները տան խոհանոցում հայտնաբերել են 84-ամյա Վարսենիկ Տ.-ի մոխրացած դին:

ՊԱՇՏՈՆԵԱԿԱՆ ԱՆՓՈՒԹՈՒԹՅՈՒՆ

Հայաստանի Հանրապետության քննչական կոմիտեի հատուկ հանձնարարություններով գլխավոր վարչությունում ավարտվել է «Հայաստան» ՊՈԱԿ-ի նախկին տնօրենի կողմից պաշտոնեական լիազորությունների անցման, ծառայողական լիազորություններն ի վնաս պետական շահերի օգտագործելու և պաշտոնեական անփութություն կատարելու դեպքերի առթիվ նախաձեռնված քրեական վարույթի նախաքննությունը:

Քննությանը ձեռք բերված ապացույցներով հիմնավորվել է, որ «Հայաստան» ՊՈԱԿ-ի տնօրենը, հանդիսանալով պետական մարմնում մշտապես կազմակերպական-տնօրինչական գործառնություն իրականացնող պաշտոնատար անձ, իր ծառայողական լիազորություններն օգտագործել է ի վնաս պետական շահերի, կատարել է այնպիսի գործողություններ, որոնք դուրս են եկել իր լիազորությունների շրջանակներից, ծառայողական պարտականությունների կատարման նկատմամբ անբարեխիղճ և անփութ վերաբերմունք դրսևորելով՝ պատշաճ կարգով չի կատարել իր պարտականությունները՝ այդ կերպ էական վնաս պատճառելով պետության օրինական շահերին, պատճառելով առանձնապես խոշոր չափերի գույքային վնաս: Մասնավորապես:

19 ՍՏՈՒԳՈՒՄ

1.6 ՄԼՐԴ ԳՐԱՄԻ ԽԱՆՏՈՒՄՆԵՐ

Կառավարությունը երեկվա՝ սեպտեմբերի 8-ի նիստում հաստատեց ՀՀ ղեկավարության 2021 թվականի արդյունքների վերաբերյալ հասկանալիության հավանությունը՝ հավանությունը սալու մասին որոշումը:

ՀՀ ֆինանսների նախարարության ֆինանսաբյուջետային վերահսկողության վարչությունը 2021 թվականի ընթացքում իրականացրել է ընդամենը 19 ստուգում, որոնցից 4-ը գտնվում է ամփոփման փուլում, իսկ 1-ը կասեցված է ստուգման ընթացքում առանձին տեղեկությունների ճշտման անհրաժեշտության հիմքով: Ստուգման արդյունքում հայտնաբերվել են 1.6 մլրդ դրամի խախտումներ:

Հաշվետվության մեջ ասվում է. «Այսպիսով՝ 2021 թվականի ընթացքում վարչության կողմից իրականացվել են ընդամենը թվով 19 ստուգումներ, որոնցից թվով 4-ը գտնվում է ամփոփման փուլում, իսկ 1-ը կասեցված է՝ պայմանավորված ստուգման ընթացքում առանձին տեղեկությունների ճշտման անհրաժեշտությամբ»:

2021 թվականին, ինչպես և 2020 թվականին, պետական կառավարման մի շարք մարմիններում (ՀՀ Լոռու մարզպետարան, ՀՀ աշխատանքի և սոցիալական հարցերի նախարարություն) ստուգումներն իրականացվել են ծրագրային բյուջետավորմանը համապատասխան ստուգումներ իրականացնելու սկզբունքով, ինչը հնարավորություն է տալիս հսկողություն սահմանել ծրագրի կամ միջոցառման ողջ գործընթացի նկատմամբ՝ ներառելով բյուջետային հայտերի կազմման աշխատանքներից մինչև ծրագրի կամ միջոցառում իրականացնողների կողմից աշխատանքների ավարտման ամբողջական շղթան: Մասնավորապես, նշված սկզբունքի կիրառմամբ վերոհիշյալ թվով 2 պետական մարմիններում ընտրվել են թվով 12 բյուջետային ծրագրեր (միջոցառումներ):

2021 թվականի ընթացքում վարչության կողմից իրականացված և ավարտված ստուգումներով արձանագրվել են ընդամենը 1,630.7 մլն դրամի խախտման փաստեր, որոնցից վերականգնման (վերածեակերպման) է առաջադրված 766.4

մլն դրամը: Վերականգնման չառաջադրված 864.3 մլն դրամի խախտումներից 818.0 մլն դրամն արձանագրվել է իրականացված ստուգումների արդյունքում, իսկ մնացած 46.3 մլն դրամի խախտումներն իրենցից ներկայացնում են ոչ նպատակային, ոչ արդյունավետ ծախսեր, «Գնումների մասին» ՀՀ օրենքի պահանջների խախտումներ և այլն: Վերականգնման (վերածեակերպման) ենթակա 766.4 մլն դրամից 535.9 մլն դրամն առաջադրվել է մուտքագրման ՀՀ պետական բյուջե, 1.9 մլն դրամը ենթակա է վերականգնման կազմակերպությունների հաշվին, իսկ 228.6 մլն դրամը՝ հաշվառմամբ վերածեակերպման:

Հաշվետու ժամանակաշրջանում արձանագրված գումարներից վերականգնվել է ընդամենը 247.2 մլն դրամ (այդ թվում 87.1 մլն դրամը՝ 2021 թվականին կատարված ստուգումներով արձանագրված գումարներից, 160.1 մլն դրամը՝ նախորդ ժամանակաշրջաններում կատարված ստուգումներով արձանագրված գումարներից):

● Ըստ ոստիկանության տվյալների՝ օգոստոսի 30-ից 31-ը Հայաստանի Հանրապետությունում բացահայտել են հանցագործության 54 դեպք, որից 7-ը՝ նախկինում կատարված:

ՍԵՐ

ՄԻՇՏ ԱՅՔ ՕՐԸ ՏԻՐՈՒՄ ԵՄ. ԱՆՆԱ ԷԼԲԱԿՅԱՆ

ՀՀ վասակավոր դերասանուհի Աննա Էլբակյանը սեպտեմբերի 5-ին նշել է ծննդյան 59-րդ ամյակը: Գերասանուհին ArmLur.am-ի հետ զրույցում դասն է օրվա, գեղեցիկ ապրելու, իր սեականին, սիրո եւ երազանքի մասին:

«Որպես այդպիսին մեծ խնջույք չի եղել: Օրս շատ լավ է անցել, չնայած, որ ես միշտ այդ օրը տխուր եմ լինում, եւ բացի ինձանից՝ բոլորը ուրախանում են: Ես էլ ուրախանում եմ, որ իրենք ուրախ են: Թոռնիկներս շատ գեղեցիկ նկարներ, քանդակներ էին պատրաստել ինձ համար: Ուզում եմ, որ մարդիկ թատրոնը տեղափոխեն կյանք՝ հարսանիքներին, սզո սրահներին: Թե՛ բեմում, թե՛ կյանքում, ես անում եմ այնպիսի բաներ, որ մարդիկ չեն անում, վախենում են», -ասաց նա:

Նշենք, որ դերասանուհին 1982 թվականին ավարտել է Գաբրիել Սունդուկյանի անվան ակադեմիական թատրոնին կից դրամատիկական ստուդիան եւ աշխատանքի է ընդունվել նույն թատրոնում որպես դերասանուհի: 1986 թվականին ավարտել է ԵՊՀ արվեստագիտական ֆակուլտետը: Առաջին քայլերը բեմում արել է տասնյոթ տարեկանում խաղալով Վ. Սարոյանի «Ձեր կյանքի ժամանակը» Էլզիի դերը, հետագայում խաղում է Յ. Ռայիսի «Փշիր քամիում» Բայբա, Գ. Յարոբյանյանի «Յարսնացուն հյուսիսից» Վայա, Բոնարշի «Ֆիգարոյի ամուսնությունում» Ֆանշեթ, Լ. Ռազումովսկայի «Սիրելի Ելենա Սերգեևնա» Լյայա:

Նկարահանվել է բազմաթիվ հեռուստաներկայացումներում եւ մի շարք գեղարվեստական կինոնկարներում, այդ թվում Ջորայր Խալափյանի համանուն վեպի հիման վրա «Որտե՞ղ էիր, մարդ աստծո» բազմասերիանոց ֆիլմում, «Սպիտակ ու-



կոր», «Գողը», «Դեմքով դեպի պատը», «Ուրվագիծ» եւ այլ ֆիլմերում:

Աննա Էլբակյանն աշխատել է որպես դերասանուհի «Մետրո» թատրոնում, Համազգային թատրոնում, ինչպես նաեւ Էդգար Էլբակյանի անվան դրամայի եւ կոմեդիայի թատրոնում: 2000թ.-ից Երեւանի խամաճիկների պետական թատրոնի գլխավոր ռեժիսորն է:

Մասնակցել է բազմաթիվ միջազգային փառատոների, ինչպես նաեւ հանդես է եկել սփյուռքում: Աննա Էլբակյանը բազմերանգ է, ինպրովիզացիոն տարերքի դե-

րասանուհի է եւ ունի մեծ դիպլոմներ, ինչը վկայում է նրա խաղացած դերերը՝ Ու. Շեքսպիրի «Արքա Լիր» Կորդելիա, Վ. Սարոյանի, Թ. Ուիլյամսի, Է. Յեմինգոտեյի ստեղծագործությունների հիման վրա «Ուիլի, Թիթի, Ջիգ ու երեքս էլ մի աղջիկ» Ուիլի, Թիթի, Ջիգ, Սոլիերի «Տարտյուֆ» կոմսիկի, Կ. Մանեի «Օսկար» Յելեն, Յու. Օ'Նիլի «Սերը ծփիների տակ» Աբբի, Վ. Սարոյանի «Քարանձավի քնակիչները» Թագուհի, Թ. Ուիլյամսի «Անսպասելիորեն անցյալ ամառը» Կետրին, Ֆ. Վերֆելի «Մուսա լեռան 40 օրը» Ժուլիետ:

ԼՈՒՐԵՐ

ԳՈՒՍՏՐ ԵՆ ՈՒՆԵՑԵԼ

Նիկոլաս Քեյջը եւ կինը՝ Ռիկո Շիբատան, ծնողներ են դարձել: Նրանք դուստր են ունեցել:

Աղջիկը Շիբատայի առաջին, իսկ հոր երրորդ զավակն է:

Քեյջը նախկին հարաբերությունների արդյունքում հայրն է 16-ամյա Քալ-Էլի-ի եւ 31-ամյա Ուեսթոնի: Նորածինն անվանվել է Ավգուստա Ֆրանչեսկա Կոպոլա Քեյջ: Շիբատայի հղիության մասին լուրը տարածվել էր հունվարին, իսկ ապրիլին արտիստը հայտարարել էր, որ աղջիկ են ունենալու:

58-ամյա Քեյջը եւ 27-ամյա Շիբատան ամուսնացել են 2021 թվականին: Մեծ խնջույքի փոխարեն աստղերը շատ փոքրիկ ու մտերմիկ արարողություն են կազմակերպել Լաս Վեգասի Wynn հյուրանոցում:

ԱՆԳՐԱՆԻԿ ՏՈՒՐԻ

ՀԱՆԳԻՊՈՒՄՆԵՐ

Ֆուտբոլի չեմպիոնների լիգայում կայացել են A, B, C, D խմբերի անդալիկ տուրի հանդիպումները:

A խմբում «Այաքսը» 4 անպատասխան գնդակ ուղարկեց «Ռեյնջերս»-ի դարպասը, «Նապոլին» 4:1 հաշվով հաղթեց «Լիվերպոլին»:

B խմբում «Բրյուգեն» նվազագույն հաշվով պարտության մատնեց Լեյերկուգենի «Բայերնին», իսկ «Ատլետիկոն» 2:1 հաշվով գերազանցեց «Պորտուի»:

C խմբում «Իստերը» 0:2 զիջեց «Բավարիանին», Հայաստանի ֆուտբոլի ազգային թիմի նախկին անդամ Յենիի Սիթթարյանը «Իստերի» մեկնարկային կազմում էր եւ մասնակցեց ամբողջ խաղին: Այս խմբում «Բարսելոնան» 5:1 խոշոր հաշվով հաղթեց «Պլզենին»:

Եվ D խմբում «Սպորտինգն» արտագնա խաղում հաղթեց «Ֆրանկֆուրտին» (3:0), իսկ «Տոտենհեմը» գերազանցեց Մարսելի «Օլիմպիկին» (3:0):

ԲԱՐԳ

ՀԱՆԳԻՊՈՒՄ

Երեւանի «Փյունիկի» գլխավոր մարզիչ Եղիշե Մելիքյանը Կոնֆերենցիաների լիգայի խմբային փուլի մեկնարկային տուրի հանդիպումը «Բազելի» դեմ որակում է բարդ:

«Հանդիպումը կարեւոր է, եւ «Բազելն» էլ՝ դժվար հակառակորդ: Մենք խաղադաշտում պետք է շատ աշխատենք, եթե ուզում ենք հաջողության հասնել: «Բազելն» այժմ առաջատարներից մեկն է մեր խմբում: Վերլուծել ենք նրանց խաղը, եւ մենք ունենք մեր խաղային պլանը», -նախախաղային հանդիպման ժամանակ ասել է Եղիշե Մելիքյանը:

Մարզչի խոսքով՝ «Բազելի» առավելությունը անհատական ֆուտբոլիստների որակներն են:

«Բազելն» ավելի ստեղծագործ ֆուտբոլ է ցուցադրում եւ շատ արագ է գործում: Մեզ թիմային խաղ է պետք եւ կենտրոնացվածություն», -ասել է նա:

ԵՐԱԺՇՏԱԿԱՆ ՏՈՆ

Queen-ի «ՇՈՒՄԻՆ ԸՆԱՐՈՒՆԱԿՎԵՑ» STARMUS-Ի ԲԵՄՈՒՄ

Լեգենդար Queen խմբի կիթառահար Բրայան Մեյը մի խումբ անվանի երաժիշկների հետ երեւանում իսկական երաժշտական տոն դարձնեց հանդիսատեսին:

STARMUS VI փառատոնի շրջանակում տեղի ունեցավ AnotherWorld («Ուրիշ աշխարհ») խորագրով համերգը:

Համերգի ընթացքում Տավուշի թեմի մանկապատանեկան երգչախումբը ներկայացրեց Queen խմբի հանրահայտ երգերը:

Հանդիսատեսը հնարավորություն ունեցավ վայելել հետեւյալ կատարումները՝ We Will Rock You, We Are the Champions, Bohemian Rhapsody, Another One Bites The Dust:

Ի հիշատակ դուրովահար Ջիվան Գասպարյանի՝ Բրայան Մեյը հատուկ կատարմամբ հանդես եկավ նրա թոռան՝ Ջիվան Գասպարյան կրտսերի հետ:

«Տարիներ առաջ պատիվ եմ ունեցել Ջիվան Գասպարյանի հետ նույն բեմում ելույթ ունենալու, ցավոք, նա հիմա մեզ հետ չէ, բայց այսօր շատ ուրախ եմ հանդես գալ նրա թոռան՝ Ջիվան Գասպարյան կրտսերի հետ», - ասաց Մեյը:

Երեկոյի ընթացքում մարզահամերգային համալիրի բեմում կատարումներով հանդես եկան նաեւ Դերեկ Շերիյանը՝



Սայմըն Ֆիլիպսի, Ռիք Ֆիերաբրաջի եւ Ռոն Թալ Բամբլֆուրթի հետ, անգլիացի երաժիշտ Գրեհեմ Գոուլդմանը, System of a Down խմբի մենակատար Սերժ Թանկյանը, «Նեմրա» հայկական ռոք խումբը եւ Գոռ Սուլջյանը:

Համերգը եզրափակվեց «The Show Must Go On» երգով, որից հետո երկար չդադարող ծափերով հանդիսատեսը շնորհակալություն էր հայտնում երաժիշտներին:

Նյութերը՝ ԼԻՂԱ ԵՂԻԱԶՈՒՅԱՆԻ

● Սեպտեմբերի 9-ին Սոս Սարգսյանի անվան Համազգային թատրոնում տեղի կունենա թատերական ներկայացում «Փափիկը»: Տոմսերի արժեքը՝ 1500-2500 դրամ: Սկիզբը՝ 19:00:



ՏՆՏԵՍԱԿԱՆ

ՀԱՐՑ.Ո՞րն է աղբահի (աւխասահի, ծառայութեան) որակի էական խախտումը:
Պետրոս Հայրապետյան (53 տարեկան)



ՊԱՏԱՍԽԱՆ. Ապրանքի (աշխատանքի, ծառայության) որակին առաջադրվող պահանջների էական խախտումներ (չվերացվող, ինչպես նաև այնպիսի խախտումներ, որոնք չեն կարող վերացվել առանց անհամաչափ ծախսերի կամ ժամանակի կորստի, կամ այնպիսիք, որոնք բազմիցս կամ կրկին ի հայտ են գալիս դրանք վերացնելուց հետո եւ նման բնույթի այլ խախտումներ), որոնց դեպքում սպառողն իրավունք ունի իր ընտրությամբ հրաժարվել պայմանագիրը կատարելուց եւ պահանջել վերադարձնելու ապրանքի (աշխատանքի, ծառայության) համար վճարված գումարը կամ պահանջել ոչ պատշաճ որակի ապրանքը (աշխատանքը, ծառայությունը) փոխարինելու պայմանագրին համապատասխանող որակի ապրանքով (աշխատանքով, ծառայությամբ)։

Շուկայի վերահսկողության տեսչական մարմին

«ԺՈՂՈՎՈՒՐԳ». Ապրանքի (աշխատանքի, ծառայության) անհամապատասխանությունը նորմատիվ փաստաթղթերին, պայմանագրի պայմաններին կամ ապրանքի (աշխատանքի, ծառայության) որակին սովորաբար ներկայացվող պահանջներին համարվում է ապրանքի (աշխատանքի, ծառայության) թերությունը։

Էջը՝ ՆԱԻՐԻԱ ՀՈՎՅԱՆՆԻՍՅԱՆԻ

ԿԱՐԳ

ՀԱՐՑ. Ձկան խավիարի ներմուծման դեղմում արդյո՞ք գանձվում է ակցիզային հարկ:
Համբարձում Սարգսյան (48 տարեկան)



ՊԱՏԱՍԽԱՆ. Անհրաժեշտ է առաջնորդվել «Ակցիզային հարկի մասին» ՀՀ օրենքի 3-րդ հոդվածի դրույթներով, համաձայն որի՝ ակցիզային հարկով հարկման ենթակա ապրանքներն են գարեջուրը, խաղողի եւ այլ գինիները, սպիրտը (բացառությամբ կոնյակի սպիրտի) եւ սպիրտային խմիչքները, ծխախոտի արդյունաբերական փոխարինիչները, սիգարները, սիգարեւանները եւ սիգարետները՝ ծխախոտով կամ դրա փոխարինիչներով, բենզինը, հում նավթը եւ նավթամթերքները, դիզելային վառելիքը, նավթային գազերը եւ գազանման այլ ածխաջրածինները (բացառությամբ բնական գազի), քսայուղերը: Ձկան խավիարը ակցիզային հարկով հարկման ենթակա ապրանք չէ:
ՀՀ հարկային պետական ծառայություն

«ԺՈՂՈՎՈՒՐԳ». Որպես գրավի առարկա գրավառուին հանձնված ապրանքների տնօրինման իրավունքը օրենսդրությամբ սահմանված կարգով գրավառուին անցնելու դեպքում ակցիզային հարկի վճարման պարտավորությունը կրում է գրավատուն, եթե վերջինս սույն օրենքի համաձայն համարվում է հարկ վճարող:

ԼՈՒՐ ԿԱՐԴ

Լուսանկարն արվել է Երեւանում



Երեւանյան փողոցներում կարծես թէ պահպանվել է ռետրո շունչը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:


ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.



*«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.
«Շարունակությունը կարող էք կարդալ «Ժողովուրդ» օրաթերթի այսօրվա համարում»:*

Լրատվական գործունեություն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 8.09.2022
Պատկեր: Պետրոսյանի ֆոտո, ք. Կարբին, 4 համարում, 2011

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ
չեն վերադարձվում, Գ նշանով նյութերը գովազդային
հրապարակումներ են, որոնց համար խմբագրությունը
պատասխանատվություն չի կրում: